

مکرمات و انجیل

❁ ادبی و سیاسی رسالهٔ اسبوعیه در ❁

۳۱ نجی سنه

جلد : ۱۴ — جزو : ۱۴۸ ❁ پنجمین ❁ ۱۳ جمادی الاخری ۱۳۳۰



بلغارستانك نه مقدار عسكرى وارد در ؟

بالقائلمرده مجاورين صغیره من میاننده نفوسنك كثرتی ، نفوذ معنوسنك اهمیتی ، احوال معنویه لرینك مكملیتی اعتباریله بزم ایچون اك خاطری صاییلان ویا اك خاطرناك بولنان حكومت بلغارستان قراللی اولدینی اعتراف ایدلمیدر . چونكه بوجار ملاصقمز قوای عسکریه جه ماده سائر بالقان حكومتلرینك جمله سنه متفوق و اردوسی ایسه انتظام و تربیه عسکریه نقطه نظرندن هر درلو كالات عصریه ایله مترافق اولمسنه بناء بزه قارشى اطوار تهدیدكارانه اظهارینه كندنده استحقاق كورمكده در .

بلغارلر ، نصیبه استقلاللرینی استحصال ایتدكلری ثلث عصر مدتدن بری برعزم ثباتكارانه و عادتا برسودای شوق افزایله چالشعلری سایه سنده كوچوك و فقط فیوض طبیعتك بك چوق محاسنی حازر اولان مملكتلرینی ترقیات عصریه نك الجا آتیه توفیقاً فوق العاده دینه جك مرتبه ده اعمارده موفق اولدقلری كبی ، بروقتلر خارستان جهالت عد ایدیلان لرلى نشر و تعمیم معارفله گلزار معرفت و سعادت حالته تحویل ایده جك وسائل واسبابی ، نه قدر فدا كارلق لازم ایسه اختیار ایدرك ، استكماله ساعی و موفق اولدیلر . بوسایه دركه بوگونكى بلغارلك سویه صرفانی و بالخاصه خواص وطنپرورانلری بك زیاده ترفع ایتمش و بالقان حكومات صغیره سی میاننده مادی و معنوی برنجی مرتبه نی احراز ایتشددر .

بلغارلك ترقیات مادیه لرلى صره سنده اك زیاده نظر اهمیت و اعتنایه آلدقلری ماده قوای حربیه لرینك استكمالی خصوصیدر . سنین عیدده دن بری بومقصدده مصروف اولان مساعیلرینك جدیدندن طولانی بلغارستانه (بالقانلك آلمانیا سی) عنوانی ویرلدیكى اربابنه مجهول دكلدر .

و قتیله ایکسجی درجه ده بر ولایتز اولان و بوگون ده روم ایلمده کی ولایتز
آنجق ایکسینه اوچه معادل بولنان بو حکومت صغیره الیوم هپ بوتریات عسکریه سنه
گوکنه رک بزمه مناسباننده الی زیاده عریده جویانه بر مسسک اتحاد و دور
مشروطیته کیردیکمز شو درت سنه ظرفنده بزه قارشى حقوق دول قواعدینى
اخلال و یا مال ایتمکده الی قوی خصمانز درجه سنده و فقط یک نامردانه بر صورتده
هویتنى ابراز ایلان و شمديکی حالده ده بالقانلرده کی غائله لر مزده بزى الی زیاده
دوشمک مجبوریتده طوتان بر رماز قومشومن اولدینى قابل کتم وانکار اولیان
حقیقتلردندر .

هله ایٹالیا حربنک شوصوئ کوئلرده یکیدن یکنی به احداث ایلمک استعدادینى
کوستردیکی مشکلات جمله سندن اوله رق بر طرفدن روسیه نک تدارکات حربیه ده
بولنمى . دیگر طرفدن آوستریانک یکنی بازار سنجاغى جوارنده تحشیدات
عسکریه به مبادرت ایلمى . آلمانیا نک بارون مارشالنى لوندره سفارتنه تعیین
صورتيله . بوماه دیپلوماتى واسطه سبله بزه قارشى شمدي به قدر تعقیب ایتمدیکی
ابله فریبانه پولیتیکه به بر شکل نوین مشوش ویرمى کبی احوال عمومیه سیاسیه نک
بزلر ایچون بر ممای عظیم الاشکال و مع مافیه یک وخیم وانديشانک بر صورت و حال
کسب ایلمدیکی و بناء علیه بالقانلرده ده بر غائله حدوتى و یا احداثى داخل داره احتمال
اولدینى شوصورده بلغارستان حکومتنک نظر مزده نه مرتبه اهمیتده طوتلق اقتضا
ایده جکنى ازاده ایضاح کوربرز .

بوسبله صورتده حقیر و فقط تهدیدینى ایقاعه مقتدر اولان و حیات سیاسیه مزى
هر حالده ناکس و جان ایٹالیانلردن زیاده تهلیکیه دوشورده یلمى مستبعد اولیان
قومشومنک قواى عسکریه سنى ده پیشی اعتبار مزده بولندیر مامز فائده دن خالى
دکلدر .

بومطالعیه به مبنی صوفیه ده انتشار ایتمکده اولان (هله قا) نامنده کی بلغار
رساله موقوته سندن نقلاً (دوکومان دو پروغره) اسمنده کی برفرانسز مجموعه
شهریه نک - بلغار قواى عمومیه عسکریه سى - نه دائر بزده آتی به درج ایلمک .

اركان حربيه عثمانيه مزجه جوار حكومتلرك بويولده كي نشریات و افشاآت
عسكريهلرینك درجه صحت و یا اهمیتی مجهول اولماق لازم کليز .
برزماندن بری مملکتزده کنديلرینی دیو آینه سنده کورن و دشمنك کوچوکنی
بیوکنی استحقاق ایتمکده (بطلال غازی) داستانلرینی تظیلر ایدرجه سینه تفاخرات
مجنونانه آینه انعطاف اولان بعض وسائل نشریهنك شاید ظفره فروشلقلرینه
وجود ویرنر وار ایسه آنلری حقیقتدن آگاه ایتمك اعتقاد مزجه وطنپرورلک
و جابنك اقدمیدر .



(ههله قا) رساله سی طرفندن ترتیب ایدیلان حساب نه نظر آ بلغارستان حكومتك
فرضا اعلان حربی متعاقب حدود عثمانیه در حال سواق ایده بیله چکی قوای
موظفه (۹۰,۰۰۰) ی پیاده و (۵۰۰۰) ی سواری اولمق اوزره (۹۵,۰۰۰) عسکردن
و (۵۰۰) قطعه طوپدن عبارتدر .

محاربه نی متعاقب ایلك كونلردن تحت سلاحه آلنهرق پیدرپی میدان مصادمه یه
اعزام ایدیله چك قوای ردیفه ایسه (۱۶۰,۰۰۰) پیاده و (۲۵۰۰) سواری یه بالغ
اولمقده و بوقوته مخصوص اولان طوپ ایسه (۱۵۰) بارجه نی بولمقده در .
بلغارستانك اوچنجی قسم عسكري تشکيل ایدن قوای مستحقظه سینه کالجیه
اوده (۱۲۸,۰۰۰) پیاده نفرندن مرکب بولمقده در .

شوالده . بلغارستان حكومتك وقت حربده قوای عمومیه سنك مقداری
ویجه آتی اوزره اولمق اقتضا ایدبور :

طوپ	سواری	پیاده	
۵۰۰	۵,۰۰۰	۹۰,۰۰۰	قوای موظفه
۱۵۰	۲,۵۰۰	۱۶۰,۰۰۰	قوای ردیفه
۰۰۰	۰۰۰۰	۱۲۸,۰۰۰	قوای مستحقظه
۶۵۰	۷,۵۰۰	۳۷۸,۰۰۰	مکون

بلغارستانك اليوم نفوس عمومیه سی (۴,۳۲۹,۱۰۸) فردہ بالغ اولمقدمہ در .
شوحالدہ (ہلہقا) غریبہ سی طرفندن بروجہ بالا حساب وارانہ ایدیلان یکون دہ
مبالغہ بولنماق اقتضا ایدیور . چونکہ اقیکون ، نفوسك یکون عمومیسہ نسبت
ایدیلنجہ بلغار مجموع قوای عسکریہ سی نفوسك اون ایکیدہ برنی تشکیل ایلدیکی
کورلمش اولور کہ بونسبتدہ اورویا دول معظمہ اردولرندہ الحالہ ہذہ قبول ایدلمش
اولان نسبتہ آرزوق متقارب بولنمقدمہ در .

مع مافیہ بوبایدہ دہا زیادہ معلومات آلمش اولمق ایچون استاتستیکہ متعلق
ارقامینک جدیت وصحتی ایلہ معروف بولان (آلماناق دوغوتا) نک صوگ سندیہ
مخصوص نسخہ سندیہ مراجعت ایلدک . اورادہدہ بلغارستانک وقت حضر وسفر دہ کی
قوای بریہ وبجریہ سہ دار بروجہ آتی عددلر مندرج بولنمقدمہ در .

وقت حضر دہ

ضابط ومأمورین	افراد	بارکیر
۳۸۰۷	۵۷۴۹۱	۱۰۸۰۳

حال حربیدہ عساکر موظفہ نک مقدار عمومیسہ

افراد	بارکیر اوکور	طلوب	عربہ
۱۸۶,۰۴۸	۳۵,۵۶۴	۱,۰۸۰	۸,۶۶۷
۴,۴۰۴	۴,۸۳۶	—	۱۰۲
۱۹۰,۴۵۶	۴۰,۴۰۰	۱,۰۸۰	۸,۷۶۹

یکون

صوفیہدہ منتشر بر مجموعہ طرفندن ترتیب ایدیلان حساب ایلہ (آلماناق
در غوطہ) آنک ۱۹۱۱ بلغارستان بودجہ سندن نقلاً بروجہ بالا ارانہ ایلدیکی
ارقام آرسندیہ بیوک بفرق کوریلور . بوفرک ندن ایلری کلدیکی وبوایکی
مأخذ مزدن هانکیسک معلوماتی دہا زیادہ قرین صحت بولدیغک تعینی ایسہ
بزجہ مشکلدہ . بوایکی قسم ارقام آرسندیہ کی اختلافک حالی اولسہ اولسہ

مسئله ده متخصص اولسی لازم کلن محردین عسکریه من ایله جرانده عسکریه منزه
 حاند اوله جفندن بز هریکی معلوماتی قید و اشارت ایله اکتفایه مجبور اولیورز .
 [آلماناق دو غوتا] بلغارستانك قوای بحریه سنه دأرده آتیده کی معلوماتی
 ویردیکندن آتی ده نقل ایلدك :

[ناده ژا] نامنده بر مکتب قرووازوری : (۷۳۵) طونیلاتو جسامتنده ؛ سریع
 آتشلی اون قطعه طوپ ۲ ، طورپیل قووانی .

۲ قطعه یات

۱ قطعه نقلیه سفینه سی

۶ قطعه طورپیدو (بهری ۱۰۰ طونیلاتو لاق)

مراتب بحریه نك مقداری ضابطان و افراد داخل اولدینی حالده (۸۸۰)
 کشیدن عبارتدر .

